



**ATASSUT**

**UPA14/16-1**

**Gerhardt Petersen**

**03.04.2014**

**Nunat Avannarliit Killiit Siunnersuisoqatigiiffiata Savalimmiuni, Islandimi Kalaallit Nunaannilu naalakkersuisunut kaammattuutigaa nunat pineqartut akornanni peqqinnissaqarfimmi sulisussanik ilinniartitsisarneq pillugu suleqatigeeqqullugit kiisalu qularnaarniaqqullugu nunat pineqartut akornanni peqqinnissaqarfinni sulisut paarlaateqatigiittarnissaminnut periarfissaqarnissaat. Peqatigitillugu nunat pineqartut kaammattorneqarput tarnikkut nappaatinut tunngasutigut suleqatigiinnerup ineriartorteqqinneqarnissaanut periarfissat misissoqqullugit, napparsimasunik katsorsaasarneq sulisussanillu ilinniartitsisarneq eqqarsaatigalugit.**

(Aallartitat siulittaasuat Lars-Emil Johansen)

Nunat Avannarliit Killiit Siunnersuisoqatigiiffiata Savalimmiuni, Islandimi Kalaallit Nunaannilu naalakkersuisunut kaammattuutaat nunat pineqartut akornanni peqqinnissaqarfinni sulisuusunut sammititaq ATASSUT-mit imaattumik oqaaseqarfigissavarput:

Kaammattuut manna innuttaasut tamatta peqqinnissaqarfimmiit inerisarluakkamik sullinneqarsinnaanissatsinnut siunertaqartoq ATASSUT-miit taperserlugu suleriaqqinnissaanut innersuusseqataassaagut.

Paasinarpoq ukiorpaalunni nunat pineqartut akornanni attaveqatigiissutinik ingerlasoqareersoq, tassanilu eqqaaneqartoq Nordkvist tunngavilersueqataasoq tusaatissatut tigulluarparput ATASSUT-miit.

Nunat pineqartut peqqinnissaqarfiisa akunnerminni pioreersunut suli ersarinnerusumik inerisaaqatigiinnissamut sinaakkutaqartitsinerulernissaq ATASSUT-miit kaammattuut manna iluarisimaarparput, matumanilu aamma nukittorsaaqatigiissutiginiarneqartoq tarnikkut nappaatinut tunngatitaq suli sukumiinerusumik sammivilersorniarneqarnera ATASSUT-miit assut kaammattueqataaffigaarput.



## ATASSUT INATSIARTUNI

---

ATASSUT-miit soqutigalugu immikkut kaammattummi inerititaqarfiusumik upernaaq-manna sinaakkutassatut isumaqatigiisummik atsioqatigiissuteqartoqarniarloq maluginiarluarparput. ATASSUT-miit nunatsinniit napparsimalersortatta Island-imut siunissami ingerlatinneqarnerusalernissaat kaammattummi immikkut taperserlugu suleqataaffigissavarput. Qularutissaanngitsumillu ungasinnerusoq eqqarsaartigalugu angallannikkut aningaasartuutit annikillineranik kinguneqarsinnaalluni.

Taamatut Naalackersuisut kaammattuuteqarnermikkut aqutissiuussiniarmata ATASSUT-miit tapersiivugut, siunnersuullu taamatut isikkoqartillugu sukumiisumik peqqissaartumillu ingerlaqqinnissaa akuerseqataaffigaarput.